



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Služba za finansije, privredu, komunalne i inspeksijske poslove

Broj: 04-02-1-370-3/14

Datum: 06.03.2014.god.

PREDMET: Izvještaj sa javne rasprave

Dana 04.03.2014. godine u sali Općinskog vijeća Tešanj, održana je javna rasprava na prijedlog Programa novčanih podsticaja za unapređenje primarne poljoprivredne proizvodnje u 2014.godini. Na javnu raspravu su pozvani članovi općinskih komisija za poticaj, predstavnici udruženja i zadruga, predstavnici mjesnih zajednica i poljoprivredni proizvođači.

Prisutnim se ispred Općine Tešanj obratio pomoćnik općinskog načelnika Hamzalija Hojkurić i nakon kraće prezentacije prijedloga Programa otvorena je javna rasprava kojoj je prisustvovalo 18 učesnika, u kojoj su pojedinci uzeli aktivno učešće:

Bekrić Ahmet

-da se uvede poticaj po litri proizvedenog mlijeka

-prijedlog je razmatran i ranijih godina i nije prihvaćen obzirom da cca 450 proizvođača ostvaruje premiju na mlijeko, bili bi uobzirani i mali proizvođači (1 ili 2 krave) a skoro sva poticajna sredstva bi utrošili za jedan vid proizvodnje

Smajić Muhamed

-podržava poticaj za minimalno tri muzne krave

-pojasnio je da uposlenici ministarstva izlaze na teren i na zapisnik konstatuju broj krava za svako gazdinstvo koje ostvaruje premiju na mlijeko tako da se i na taj način izvrši provjera brojnog stanja

Halilović Hasan

-da se smanji limit košnica pčela kako bi poticaj ostvarili i proizvođači sa deset i manje košnica

-sugeriše da komisija za poticaj slučajnim uzorkom provjeri prisustvo pčela u košnici

-držanje manjeg broja košnica je više hobi i ne može biti predmet poticaja

-prijedlog za provjeru košnica se prihvata

Muminović Elvir

-podržava Program i način kako se realizuje

-postoje i drugi nivoi poticaja koje treba koristiti

Agić Ibrahim

-da se stimulišu veći proizvođači, za proizvodnju povrća na većim površinama da je i poticaj veći

- poticaj povrću se može ostvariti po jedinici površine ili otkupljenim količinama

- Programom je propisan i maksimalan iznos poticaja koji može ostvariti jedno gazdinstvo

Trepčić Mustafa

-podržava Program poticaja

-dobro bi bilo imati terenskog agronoma

Mujkić Suada

-predlaže da se potiče i proizvodnja ljekovitog bilja kako bi se navedena proizvodnja proširila i uključili se novi proizvođači obzirom da imaju rješen otkup i obezbjeđenu sušnicu

Ferida Begović

-Program podržava i smatra da bi poticaj proizvodnji ljekobilja uticao da se proizvodnja proširi
-ima zainteresovanih žena iz Miljanovaca, Šija pa i drugih sredina koje bi se bavile ovom proizvodnjom a usvojen je i Akcioni plan unapređenja položaja žene na selu

-podržavamo sve aktivnosti u smjeru razvoja poljoprivredne proizvodnje i plasmana na tržištu, tako i proizvodnju ljekobilja.

Pored navedenog, zaprimljen je pisani akt od Glavaš Nedeljka u kojem predlaže uvođenje poticaja za zasnivanje zasada maline. Unazad par godina kantonalnim Upustvom o poticanju poljoprivredne proizvodnje se potiče i zasnivanje zasada maline. Općinskim Programom je predviđen poticaj proizvodnji voća za otkup i odnosi se i na jagodičasto voće. Od vijećnika SBiH Halilović Fadila zaprimljen je dopis u kojem su dati prijedlozi za poboljšanje i unapređenje razvoja poljoprivrede na području općine Tešanj. Od Instituta za zootehniku Poljoprivredno-prehrambenog fakulteta Sarajevo dostavljen je prijedlog tema za edukaciju proizvođača iz oblasti govedarstva obzirom da se veći broj gazdinstava bavi uzgojem stoke i da Program predviđa educiranje proizvođača u cilju unapređenja proizvodnje.

Zapisnik sačinila
Tamara Turkić